

# Leta Theghewoniye Jon Le Rorori Utu iviva

Letake iyake ghararorori idae ma i gov-ambwara, mbema inja enge, “Ghino ekelesiya gharandeviva.” Ko iyemaenge Buk Boboma gharaghareghare lemoyo thiŋa rarorori iye Jon, Sebedi nariye. Na tembe ngoreiyeva ma ra ghareghare va i variye wenŋiya thavala; mbema inja enge, “Ya variye i ghaona e ghen, Loi le tututhi wevoniye weinanŋiya len nŋanŋa.” Mbwata mbema wevo moli eunda weinanŋiya le nŋanŋa, ko raghareghare lemoyo thiŋa mbwata ekelesiya wabwi regha ghagoghaimba iya Jon i goghaimba weya wevo, na le nŋanŋa ekelesiya gharighari utuninji. Jon va i roriya letake iyake na i variye wenŋi, i giya utu vavurigheghe gharethovu thanavuniye e tine thi lonŋalongawe na thi njimbukikiŋgi ravavaghare kwanikwan wenŋi.

<sup>1</sup> Ghino ekelesiya gharandeviva ya roriya letake iyake na ya variye i ghaona e ghen, ghen Loi le tututhi wevoniye weinanŋiya len nŋanŋa. Ghen weinanŋiya len nŋanŋana ya gharethovunŋa laghiye moli, na ma mbe ghino enge wombereghake, gharigharike wolaghiye thavala thi ghareghareya utu emunjoru tembe thi gharethovunŋava laghiye.

<sup>2</sup> Wo gharethovuṅga kaiwae wo ghareghare utu emunjoru kaero ne i meghabana weinda mbanjake wolaghiye.

<sup>3</sup> Ya nango weya Loi Ramanda na Nariye Jisas Kraiss, gharenji weinda, thi ghareviri kaiwanda na lenji gharemalili i riyevanjara gharenda, kaiwae ra lonjweghathi ghautu emunjoru na ra vegharethovu weinda.

### *Utu emunjoru na gharethovu*

<sup>4</sup> Ya warari laghiye moli kaiwae ya lonjweya utuutu len ngangana vavana thi lonjalonga utu emunjoru e ghakamwathi, ngoreiya Ramanda le mbaro weinda. <sup>5</sup> Iya kaiwae, elana, ya nango e ghen na ghinda regha na regha ra vegharethovu weinda. Mbaroke iya ya utujake e ghen ma mbaro togha ngoreiye, ko iyemaenge mbaroke iyake i ri mbanjaniye va ra lonjweghathi na thi utuveinda ra lonje. <sup>6</sup> Mbe ra gharethovu amba ne ra ghambugha Loi le mbaro na ra lonjalongawe. Iya le mbaroko iyako i ri mbanja va hu lonjweghathi na thi utuja hu lonje, ngoreiyake: gharethovu thanavuniye e tine hu lonjalongawe.

<sup>7</sup> Rakwan lemoyo kaerova thi rakarangi e yambaneke laghiye. Thiye thijava Jisas Kraiss va i mena e yambaneke mava i tabo na lolo. Gharighari ngoranjiyako thiye rakwaningi na thiye Kraiss ghathighiya. <sup>8</sup> Iya kaiwae hu njimbukikinga gharighari ngoranjiyako kaiwanji, mbala thava hu thivaiya lemi kaiwona une, ko mbala modamina Loi i vamboromborona. <sup>9</sup> Thela thonjo ma i yaku Kraiss le vavaghare e

tine ko iyemaenge i wa ma e vavaghare reghava, iye ma Loi inawe. Ko thela thonjo i yaku Krais le vavaghare e tine, iye Loi Ramanda weiyе Nariye thi yakuwe. <sup>10</sup> Thonjo lolo regha i ghaona na ma i woghaona vavaghareke iyake, tha hu dage mwaewowe o hu kulavoreņa e lemi ngolona. <sup>11</sup> Thela thonjo i dage mwaewowe, iye kaero i tabo na gharathalavu ele vakathako raithari e tine.

*Renuwaņa le ghambako*

<sup>12</sup> Lo renuwaņa lemoyo moli mbe inanjiwe valikaiwae ya woraņgiya e ghemi, ko iyemaenge ma nuwaņguiya ya rorinjoņa e peipa ngoreiya iyake. Nuwaņguke nuwaiya vara mbe ya ghaona ya thuweņa, ghamwanda regha na ra utu, na weinguyaņgiya ghemi warari i riyevan-jarainda.

<sup>13</sup> Ghagha iye tututhi wevoniye le ngaņa thi mwaewo e ghen.

**Toto Thovuye Loi Ghalinae**  
**The New Testament plus Ruth and Jonah in the**  
**Sudest language of Papua New Guinea**  
**Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

---

PDF generated using Haiola and XeLaTeX on 11 Nov 2022 from source files dated 9 Oct 2020

7a63d67b-b890-5db0-8880-b6fd64f3b62f